

# Akashvani, Sambalpur

## SAMBALPURI NEWS EVENING BULLETIN

16 November 2025- 7.02 pm- 7.12 pm.

\*\*\*\*\*

- ୧- ଦେଶର ଗଣତାନ୍ତ୍ରିକ ବ୍ୟବସ୍ଥା ପରିଚାଳନା ଓ ପ୍ରେସର ରହିଛି ଗୁରୁତ୍ୱପୂର୍ଣ୍ଣ ଭୂମିକା ।
- ଜାତୀୟ ପ୍ରେସ ଦିବସ ୨୦୨୫ ପାଳନ ଅବସରେ କହେଲେ- ସୂଚନା ଆଉ ପ୍ରସାରଣ ମନ୍ତ୍ରୀ ଅଶ୍ୱିନୀ ବୈଷ୍ଣବ ।
- ୨- ନୈତିକତାର ସୁରକ୍ଷା ସହେତେ ସରକାର ଆଉ ସାଧାରଣ ଲୋକଙ୍କର ଭିତରେ ଗଣମାଧ୍ୟମ ଯୋଗସୂତ୍ର ଭାବେ କାମ କରୁଛି- ରାଜ୍ୟସ୍ତରୀୟ ଜାତୀୟ ପ୍ରେସ ଦିବସ କହେଲେ ଆଇନମନ୍ତ୍ରୀ ।
- ୩- ସଡ଼କ ଦୁର୍ଘଟଣା ଓ ଜୀବନ ହରେଇଥିବା ଲୋକଙ୍କର ସ୍ମୃତି ଓ ରାଏଜେ ଆଏଜ୍‌ଠାରୁ ପାଳନ କରାଯାଉଛି ଶୂନ୍ୟ ମୃତାହତ ପକ୍ଷ ।
- ୪- ସମ୍ବଲପୁର ନ ରାଜସ୍ୱ ଆୟୁକ୍ତମାନଙ୍କର ୨ ଦିନିଆ ସମ୍ମିଳନୀ ହେଲା ଉଦ୍‌ଯାପିତ ।

ଆଉର

୫- ସାଇବର ସୁରକ୍ଷା ବାବଦେ ଲୁକ୍କର ଭିତ୍ରେ ସଚେତନତା ସୃଷ୍ଟି କରବାର ଲାଗି ଓଡ଼ିଶା ପୁଲିସ୍ ତରଫୁ ପରିକ୍ରମା କରୁଛେ ସାଇବର ରଥ ।

ଜାତୀୟ ପ୍ରେସ୍ ଦିବସ୍

ବଲାଙ୍ଗିର/ ବୌଦ୍ଧ/ ଦେବଗଡ଼/ ସୋନପୁର/ କଲାହାଣ୍ଡି

ଦେଶେ ଆଏଜ୍ ଭିନ୍ ଭିନ୍ ସରକାରୀ ଆଉ ବେସରକାରୀ ଗଣମାଧ୍ୟମ୍ ସଂସ୍ଥାମାନେ ଜାତୀୟ ପ୍ରେସ୍ ଦିବସ୍ ପାଳନ୍ କରୁଛନ୍ । ଗଣତାନ୍ତ୍ରିକ ପ୍ରକ୍ରିୟାଥ୍ ସମାଜ୍ ନ ସାମ୍ବାଦିକ୍ ମାନକର୍ ଗୁଚେ ଗୁରୁତ୍ୱପୂର୍ଣ୍ଣ ଭୂମିକା ରହିଛେ । ବ୍ରିଟିଶ୍ ଶାସନ୍ ସମିଆନ ଆଏଜ୍ତକ୍ ଭାରତୀୟ ପ୍ରେସ୍ତର ଭୂମିକା ଗୁଚେ ଉଚ୍ଚା ଦରଜାଥ୍ ରହିଆସିଛେ । ଗଣମାଧ୍ୟମ୍ତର ଗୁରୁତ୍ୱକେ ନଜରଥ୍ ରଖ୍ କରି ୧୯୭୭ ମସିହା ଆଝିର୍ ଦିନେ କେନ୍ଦ୍ର ସରକାର୍ ଭାରତୀୟ ପ୍ରେସ୍ କାଉନ୍ସିଲ୍ ଗଠନ୍ କରିଥିଲେ । ପ୍ରେସ୍ ସ୍ୱାଧୀନତା ବଜାୟରଖ୍ବାର୍ ଦିଗେ ପ୍ରେସ୍ କାଉନ୍ସିଲ୍ ଅଫ୍ ଇଣ୍ଡିଆ କାମ୍ କରୁଛେ । ଇ ବଛର୍ ଜାତୀୟ ପ୍ରେସ୍ ଦିବସ୍ତର ବିଷେ ରଖାଯାଇଛେ ‘ଡିଜିଟାଲ୍ ଯୁଗେ ଭାରତ୍ତର ୪ ନମ୍ବର୍ ସ୍ତମ୍ଭକେ ବରକସ୍ କରମା’ ।

ଜାତୀୟ ପ୍ରେସ୍ ଦିବସ୍-ଅଶ୍ୱିନୀ ବୈଷ୍ଣବ୍ ଆର୍ଏନ୍ୟୁ/କଟକ୍

ଦେଶର ଗଣତାନ୍ତ୍ରିକ ବ୍ୟବସ୍ଥା ପରିଚାଳନା ଥିବା ପ୍ରେସର ଗୁରୁତ୍ୱପୂର୍ଣ୍ଣ ଭୂମିକା ରହିଛି ବଳି ସୂଚନା ଆଉ ପ୍ରସାରଣ ମନ୍ତ୍ରୀ ଅଶ୍ୱିନୀ ବୈଷ୍ଣବ୍ କହିଛନ୍ତି । ଆଏଜ୍ ନୂଆଦିଲ୍ଲୀ ନ ଜାତୀୟ ପ୍ରେସ୍ ଦିବସ୍ -୨୦୨୪ ପାଇଁ ଅବସରେ ଗଣମାଧ୍ୟମକେ ପ୍ରତିକ୍ରିୟା ଦେଇକରି ଶ୍ରୀ ବୈଷ୍ଣବ୍ ଇଟା କହିଛନ୍ତି । ଆଏଜ୍ ଇ ଅବସରେ “ଭୁଲ୍ ତଥ୍ୟକେ ଅଟ୍‌କାମା ଆଉ ପ୍ରେସ୍ ଲାଗି ବିଶ୍ୱାସନୀୟତାକେ ବରକସ୍ କରମା” ବାବଦ୍ ଗୁଚେ ବକ୍ତୃତା ମାଳା ଆୟୋଜନ୍ କରାଯାଇଛି । ପ୍ରେସ୍ ଆଉ ଗଣମାଧ୍ୟମ୍ କାମ୍ କରୁଥିବା ସବୁ ବ୍ୟକ୍ତିବିଶେଷଙ୍କୁ ଶ୍ରୀ ବୈଷ୍ଣବ୍ ଅଭିନନ୍ଦନ୍ ଜନେଇଛନ୍ତି । ଭାରତୀୟ ପ୍ରେସ୍ କାଉନ୍‌ସିଲ୍‌ର ଅଧ୍ୟକ୍ଷ ଜର୍ଜ୍ଜ୍ ରଞ୍ଜନା ପ୍ରକାଶ୍ ଦେଶାଇ ବକ୍ତୃତାମାଳା ଯୋଗ୍ ଦେଇକରି ସାମ୍ବାଦିକତା କ୍ଷେତ୍ର ଥିବା ସାଧାରଣ ଲୁକ୍କୁ ସଠିକ୍ ତଥ୍ୟ ଦେବାର ଦିଗେ ସାଧୁତା ଆଉ ନିରନ୍ତର ପ୍ରତିବଦ୍ଧତାକେ କାୟମ୍ ରଖିବାର ଉପରେ ଜୋର୍ ଦେଇଛନ୍ତି । ଇ ବକ୍ତୃତାମାଳା ସୂଚନା ଆଉ ପ୍ରସାରଣ ରାଷ୍ଟ୍ରମନ୍ତ୍ରୀ ଡକ୍ଟର୍ ଏଲ୍.ମୁରୁଗାନ୍ ଆଉ ସୂଚନା ପ୍ରସାରଣ ସଚିବ ସଞ୍ଜୟ ଜାଜୁ ପ୍ରମୁଖ ଯୋଗ୍ ଦେଇଥିଲେ ।

ପ୍ରେସ୍ ଦିବସ୍-୨

ଆର୍ଏନ୍ୟୁ/ ସମ୍ବଲପୁର

ଜାତୀୟ ସାମ୍ବାଦିକ୍ କଲ୍ୟାଣ ବୋର୍ଡ଼ ତରଫୁ ହେଇଥିବା  
ରାଜ୍ୟସ୍ତରୀୟ ଜାତୀୟ ପ୍ରେସ୍ ଦିବସ୍ ପାଳନ୍ କାର୍ଯ୍ୟକ୍ରମ୍  
ଭୁବନେଶ୍ୱର ଜୟଦେବ୍ ଭବନ୍ ଠାନ୍ ଆଇନ୍‌ମନ୍ତ୍ରୀ  
ପୃଥ୍ୱୀରାଜ୍ ହରିଚନ୍ଦନ୍ ମୁଖ୍ୟଅତିଥି ଭାବେ ଯୋଗ୍  
ଦେଇଛନ୍ । କାର୍ଯ୍ୟକ୍ରମ୍ ଉଦ୍‌ବୋଧନ୍ ଦେଇକରି ମନ୍ତ୍ରୀ ଶ୍ରୀ  
ହରିଚନ୍ଦନ୍ କହିଛନ୍, ନୈତିକତାର ସୁରକ୍ଷା ସରକାର୍ ଆଉ  
ସାଧାରଣ୍ ଲୁକ୍‌କର ଭିତ୍ରେ ଗଣମାଧ୍ୟମ୍ ଗୁଟେ ଯୋଗସୂତ୍ର  
ଭାବେ କାମ୍ କରୁଛେ । ସାମ୍ବାଦିକତା କରୁଥିବା  
ବ୍ୟକ୍ତିବିଶେଷ୍ ସାଧୁତା, ସଚ୍ଚୋଟତା, ମୂଲ୍ୟବୋଧ ଆଉ  
ଦାସ୍ତିକତାର ସହେତେ ସତ୍ତ୍ୱ ସାମ୍ନା କଲେ ଗଣତନ୍ତ୍ର  
ସୁରକ୍ଷିତ୍ ରହେବା ବଳି ମନ୍ତ୍ରୀ ଶ୍ରୀ ହରିଚନ୍ଦନ୍ କହିଛନ୍ ।

ଆଏଜ୍ ଭୁବନେଶ୍ୱର ସୂଚନା ଆଉ ଲୋକସମ୍ପର୍କ ବିଭାଗ୍  
ସମ୍ମିଳନୀ କକ୍ଷ ନ ରାଜ୍ୟସ୍ତରୀୟ ଜାତୀୟ ପ୍ରେସ୍ ଦିବସ୍ ପାଳିତ୍  
ହେଇଯାଇଛେ । କାର୍ଯ୍ୟକ୍ରମ୍ ଉତ୍ତଳ ବିଶ୍ୱ ବିଦ୍ୟାଳୟର  
ରାଜନୀତି ବିଜ୍ଞାନ ବିଭାଗର ପ୍ରାକ୍ତନ ପ୍ରଫେସର ସୂର୍ଯ୍ୟନାରାୟଣ୍  
ମିଶ୍ର ମୁଖ୍ୟଅତିଥି ଭାବେ ଯୋଗ୍ ଦେଇକରି ଗଣମାଧ୍ୟମ୍  
ସବୁବେଲେ ଗଣତନ୍ତ୍ରର ସୁରକ୍ଷା ଦିଗେ ନିଜର ନୀତିକେ ସ୍ପଷ୍ଟ  
କରିଆସିଛେ ବଳି କହିଛନ୍ । ଇ ଅବ୍‌ସରେ ମହାବିଦ୍ୟାଳୟର  
ଛାତ୍ରଛାତ୍ରୀମାନ୍କୁ ନେଇକରି ହେଇଥିବା ଭିନ୍ ଭିନ୍  
ପ୍ରତିଯୋଗିତାର କୃତୀ ପ୍ରତିଯୋଗୀମାନ୍କୁ ପୁରସ୍କୃତ୍  
କରାଯାଇଥିଲା । ରାଜ୍ୟସ୍ତରୀୟ ଜାତୀୟ ପ୍ରେସ୍ ଦିବସ୍ ଅବ୍‌ସରେ

ଭୁବନେଶ୍ୱର ଜୟଦେବ ଭବନ ଠାରେ ହେଇଥିବା ସମ୍ବାଦପତ୍ର ପ୍ରଦର୍ଶନୀକେ ବିଭାଗୀୟ ଅତିରିକ୍ତ ମୁଖ୍ୟ ଶାସନ ସଚିବ ହେମନ୍ତ ଶର୍ମା ଉଦ୍‌ଘାଟନ କରିଥିଲେ । ପ୍ରଦର୍ଶନୀଥି ବହୁତ ପୁରନା ଆଉ ଦେଶବିଦେଶର ସମ୍ବାଦପତ୍ର ଠାନ୍ ପାଇଛେ । କାର୍ଯ୍ୟକ୍ରମଥି ବିଭାଗୀୟ ଅଧିକାରୀଙ୍କର ସହେତେ ଗଣମାଧ୍ୟମର ପ୍ରତିନିଧି ଆଉ ବୁଦ୍ଧିଜୀବୀମାନେ ଯୋଗ ଦେଇଥିଲେ ।

ସେନ୍ତା ରାଜ୍ୟର ଭିନ୍ ଭିନ୍ ଜାଗା ନ ଇ ଅବସରେ ପ୍ରେସର ସ୍ୱାଧୀନତା, ସ୍ୱତନ୍ତ୍ରତା ଆଉ ସାମ୍ବାଦିକମାନଙ୍କର ଭାରତ ବାଗିର ଗଣତାନ୍ତ୍ରିକ ରାଷ୍ଟ୍ର ସେମାନଙ୍କର ଭୂମିକାକେ ନେଇକରି ଆଲୋଚନାଚକ୍ର ହେଇଯାଇଛେ ।

ପ୍ରେସ ଦିବସ ପାଳନ ଅବସରେ ଆକାଶବାଣୀକେ ସ୍ୱତନ୍ତ୍ର ସାକ୍ଷାତକାରଥି କେନ୍ଦ୍ରୀୟ ସଂଚାର ବ୍ୟୁରୋ ଭୁବନେଶ୍ୱରର ଆଘର ନିର୍ଦ୍ଦେଶକ ଡକ୍ଟର ଗିରିଶ ଚନ୍ଦ୍ର ଦାଶ କହିଛନ୍..

(ଭଏସ୍ ଓଭର- ଗିରିଶ ଚନ୍ଦ୍ର ଦାଶ)

ସମ୍ବଲପୁର ଜିଲ୍ଲା ସ୍କୁଲ ଠାରେ ଜିଲ୍ଲା ପ୍ରଶାସନ ତରଫୁ ଜାତୀୟ ପ୍ରେସ ଦିବସ ପାଳିତ ହେଇଯାଇଛେ । ଜିଲ୍ଲା ସୂଚନା ଆଉ ଲୋକସମ୍ପର୍କ ଅଧିକାରୀ ସଂଯୁକ୍ତା କୁଲୁଙ୍କର ଅଧକ୍ଷତାଥି ହେଇଥିବା କାର୍ଯ୍ୟକ୍ରମଥି ଜିଲ୍ଲା ନ କାର୍ଯ୍ୟରତ ଥିବା ସାମ୍ବାଦିକମାନେ ଯୋଗ ଦେଇଥିଲେ ।

ସୁବର୍ଣ୍ଣପୁର ଜିଲ୍ଲା ପ୍ରଶାସନ ଆଉ ସାମ୍ବାଦିକ ସଂଘର ମିଳିତ ସହଯୋଗଥି ଜିଲ୍ଲା ସମ୍ମିଳନୀ କକ୍ଷ ନ ପ୍ରେସ ଦିବସ ପାଳିତ

ହେଇଯାଇଛି । ସାମ୍ବାଦିକ୍ ସଂଘର ସଭାପତି ଗୋରେଖନାଥ ସାହୁ ଇଥି ଯୋଗ୍ ଦେଇକରି ପ୍ରେସ୍ ଦିବସର ଅନୁଚିନ୍ତା ଆଉ ଦେଶର ବିକାଶ୍ ଗଣମାଧ୍ୟମର ଭୂମିକା ବାବ୍ଦେ କହିଥିଲେ ।

ବଲାଙ୍ଗିର ଜିଲ୍ଲା ସାମ୍ବାଦିକ୍ ସଂଘ ଆଉ ଜିଲ୍ଲା ପ୍ରଶାସନର ମିଳିତ୍ ସହଯୋଗ୍ ସ୍ଥାନୀୟ ସାମ୍ବାଦିକ୍ ଭବନ୍ ନ ଜାତୀୟ ପ୍ରେସ୍ ଦିବସ୍ ହେଇଯାଇଛି । ଅତିରିକ୍ତ ଜିଲ୍ଲାପାଲ୍ ଡକ୍ଟର ବିଜୟାନନ୍ଦ ସେଠୀ କାର୍ଯ୍ୟକ୍ରମ୍ ଯୋଗ୍ ଦେଇଥିଲେ ।

କଳାହାଣ୍ଡି ଜିଲ୍ଲା ଭବାନୀପାଟ୍ଣା ଜିଲ୍ଲାପାଲ୍ଙ୍କର ସମ୍ମିଳନୀ କକ୍ଷ ନ ଆସକ୍ ଗୁଟେ ଆଲୋଚନାଚକ୍ର ହେଇଯାଇଛି । ଜିଲ୍ଲାସୂଚନା ଆଉ ଲୋକସମ୍ପର୍କ ବିଭାଗ୍ ତରଫୁ ହେଇଥିବା ବୈଠକ୍ ଜିଲ୍ଲାପାଲ୍ ସଚିନ୍ ପାଢ଼ୀର ପ୍ରକାଶ୍ ଯୋଗ୍ ଦେଇକରି ପ୍ରେସ୍ ଦିବସର ଗୁରୁତ୍ଵ ବାବ୍ଦେ ଆଲୋଚନା କରିଥିଲେ ।

ବୌଦ୍ଧ ଜିଲ୍ଲାପାଲ୍ଙ୍କର କାର୍ଯ୍ୟାଳୟ ସମ୍ମିଳନୀ କକ୍ଷ ନ ଜିଲ୍ଲାସ୍ତରୀୟ ଜାତୀୟ ପ୍ରେସ୍ ଦିବସ୍ ଅବ୍ସରେ ସରକାରୀ ଦଲ୍ ମୁଖ୍ୟ ସଚେତକ୍ ଆଉ ବୌଦ୍ଧ ବିଧାୟକ୍ ସରୋଜ୍ କୁମାର୍ ପ୍ରଧାନ ଆଉ କଂଟାମାଲ୍ ବିଧାୟକ୍ କହ୍ଲେଇ ଚରଣ୍ ଡାକ୍ ପ୍ରମୁଖ ଯୋଗ୍ ଦେଇଥିଲେ । ଇ ଅବ୍ସରେ ୪ ଝନ୍ ବରିଷ୍ଠ ସାମ୍ବାଦିକଙ୍କୁ ଅତିଥିମାନେ ସମ୍ବର୍ଦ୍ଧିତ୍ କରିଥିଲେ ।

ଦେବଗଡ୍ ଜିଲ୍ଲା ସାର୍କିଟ୍ ହାଉସ୍ ଠାନ୍ ଜିଲ୍ଲାପାଲ୍ କବୀନ୍ଦ୍ର କୁମାର୍ ସାହୁଙ୍କର ସଭାପତିତ୍ଵ୍ ଜାତୀୟ ପ୍ରେସ୍ ଦିବସ୍ ପାଳିତ୍ ହେଇଯାଇଛି । କାର୍ଯ୍ୟକ୍ରମ୍ ଦେବଗଡ୍ ବିଧାୟକ୍

ରୋମାଠ ରଞ୍ଜନ ବିଶ୍ୱାଳ ମୁଖ୍ୟଅତିଥି ଭାବେ ଯୋଗ ଦେଇଥିଲେ । ଇ ଅବ୍ସରେ ସାମ୍ବାଦିକ୍ ମାନକୁ ଅତିଥି ମାନେ ଗୋପବନ୍ଧୁ ସ୍ୱାସ୍ଥ୍ୟ ବୀମା କାର୍ଡ ବାଟିଥିଲେ ।

ମୁଖ୍ୟମନ୍ତ୍ରୀ-ଅଭିଯୋଗ ଶୁଣାଣି ବନ୍ଦ ହି.ସ.

ମୁଖ୍ୟମନ୍ତ୍ରୀଙ୍କର ଜନ ଅଭିଯୋଗ ଶୁଣାଣି ଆଏବା କାଏଲ୍ ବନ୍ଦ ରହେବା । ସାଧାରଣ ପ୍ରଶାସନ ଆଉ ସାଧାରଣ ଅଭିଯୋଗ ବିଭାଗ ତରଫୁ ଦିଆଯାଇଥିବା ସୂଚନା ଅନୁସାରେ ମୁଖ୍ୟମନ୍ତ୍ରୀ ମୋହନ ଚରଣ ମାଝୀଙ୍କର ଅଲଗା ଜରୁରୀ କାମ୍ ଥିବାରୁ ଶୁଣାଣିକେ ବନ୍ଦ ରଖାଯାଇଛି । ଆଏବା ଶୁଣାଣି ତାରିଖ୍ ଗଣମାଧ୍ୟମ୍ ଜରିଏ ଲୁକ୍କୁ ଜନେଇ ଦିଆଯିବା ବଳି ବିଭାଗ୍ ତରଫୁ କୁହାଯାଇଛି ।

ଶୂନ୍ୟ ମୃତ୍ୟୁ ପକ୍ଷ-୧

ଭୁବନେଶ୍ୱର ସମ୍ବାଦଦାତା

ସଡ଼କ୍ ଦୁର୍ଘଟଣାଥି ଜୀବନ୍ ହାରିଥିବା ପିଢ଼ିତ୍ ମାନଙ୍କର ସୁରତାଥି ବିଶ୍ୱ ସ୍ମୃତି ଦିବସ୍ ଅବ୍ସରେ ରାଏଜେ ଶୂନ୍ୟ ମୃତାହତ ପକ୍ଷ ମୁଲ୍ ହେଇଛି । ଇ ଅଭିଯାନ ନଭେମ୍ବର ୩୦ ତାରିଖ୍ତକ୍ ଚାଲିବା । ଇଥି ସଡ଼କ୍ ସୁରକ୍ଷା ନିୟମ୍ କଡ଼ାକଡ଼ି ପାଲନ୍ ସହେତେ ବହୁତ୍ତେ ସଚେତନ୍ତା କାର୍ଯ୍ୟକ୍ରମ୍ ମାନ

କରାଯିବା । ଭୁବନେଶ୍ୱରର ଚନ୍ଦ୍ରଶେଖରପୁର ଡ୍ରାକିଂ ଟେଣ୍ଡିଂ ଟ୍ରେକ୍ଟର ହେଇଥିବା ଉଦ୍‌ଘାଟନୀ କାର୍ଯ୍ୟକ୍ରମ ଥିବା ଶିକ୍ଷା ଆଉ ପରିବହନ ବିଭାଗର ପ୍ରମୁଖ ଶାସନ ସଚିବ ଉଷା ପାଢ଼ୀ ଆଉ ପରିବହନ ଆୟୁକ୍ତ ଅମିତାଭ୍ ଠାକୁର ପ୍ରମୁଖ ଯୋଗ ଦେଇଥିଲେ । ଇ ୧୫ ଦିନର ଅଭିଯାନ ଥିବା ସାରା ରାଏଜେ ଜିଲ୍ଲା ପ୍ରଶାସନ, ପୁଲିସ୍ ଆଉ ଅଲଗା ବିଭାଗର ସହଯୋଗ ଥିବା ଆଂଚଳିକ ପରିବହନ ଅଧିକାରୀମାନେ ସଚେତନତା କାର୍ଯ୍ୟକ୍ରମ ପରିଚାଳନା କରନ୍ତେ । ଦୁର୍ଘଟଣା ଘଟଣା ହରେଇଥିବା ଲୁକ୍କୁ ଶ୍ରଦ୍ଧାଞ୍ଜଳି ଜନେଇକରି ୨ ମିନିଟ୍ ନୀରବ ପ୍ରାର୍ଥନା ଭିଲ୍ କରାଯାଇଥିଲା । ଇ ଅବସରେ ଗୁଡ଼େ ସଚେତନତା ରଥର ଭିଲ୍ ଶୁଭାରମ୍ଭ କରାଯାଇଛି । ଯେତେ ୧୫ ଦିନ ତକ୍ ଭିଲ୍ ଭିଲ୍ ଜାଗା ବୁଲିକରି ଲୁକ୍କୁ ସଚେତନ କରା ।

ରାଜସ୍ୱ ଆୟୁକ୍ତ କର୍ମଶାଳା ସମ୍ବଲପୁର ସମାବଦାତା

ସମ୍ବଲପୁର ନ ରାଜସ୍ୱ ଆୟୁକ୍ତ ମାନକର ଦୁଇ ଦିନିଆ ସମ୍ମିଳନୀ ଆଉ କର୍ମଶାଳା ଆସକ୍ ଉଦ୍‌ଘାଟିତ୍ ହେଇଯାଇଛି । ଆସକ୍ କର୍ମଶାଳାର ଉଦ୍‌ଘାଟନୀ ଉତ୍ସବ ଥିବା ରାଜସ୍ୱ ଆଉ ବିପର୍ଯ୍ୟୟ ପରିଚାଳନା ମନ୍ତ୍ରୀ ସୁରେଶ ପୂଜାରୀ ମୁଖ୍ୟଅତିଥି ଭାବେ ଯୋଗ ଦେଇକରି ସାଧାରଣ ଲୁକ୍କର ସେବା ଥିବା ନିଷ୍ଠାପର ଭାବେ କାମ କରବାରକେ ଆହ୍ୱାନ ଦେଇଛନ୍ତି ।

ଲୋକମାନଙ୍କର ପାଖେ ରାଜସ୍ୱ ସେବା କେନ୍ଦ୍ର ଜଳଦି ପୁହୁଁଚିବା ଆଉ ଜନସାଧାରଣ ବିନା ଅସୁବିଧାଥି ସେସବୁ ପାଇପାରବେ ସେବାର୍ଦ୍ଦେ ଆଲୋଚନା ହେଇଛି । କର୍ମଶାଳାଥି ଅଧିଗ୍ରହଣ ପୁନର୍ବାସ୍ଥ ଥଇଥାନ, ଜମି ପଞ୍ଜିକରଣ, ରାଜସ୍ୱ ଜଙ୍ଗଲ ଜମି ଅଧିକାର ଆଇନ୍ ବାର୍ଦ୍ଦେ ଅଧିକାରୀମାନଙ୍କୁ ଚାଲିମ୍ ଦିଆଯାଇଛି । ସ୍ୱଚ୍ଛତାର ସହେତେ କାମ୍ କରିକରି ଲୁକ୍କୁ ଭଲ ବେତାର ଦେଖାବାର୍ଦ୍ଦେ ଇ ଅବ୍ସରେ ରାଜସ୍ୱମନ୍ତ୍ରୀ ଶ୍ରୀ ପୂଜାରୀ ଅଧିକାରୀମାନଙ୍କୁ କହିଛନ୍ । କର୍ମଶାଳାଥି ସମ୍ବଲପୁର ଆର୍ଡିସି ଅଧୀନଥି ଥିବା ୧୨ ଟା ଜିଲ୍ଲାନ୍ତୁ ୯ ଝନ୍ ଜିଲ୍ଲାପାଲ୍, ସବୁ ଅତିରିକ୍ତ ଜିଲ୍ଲାପାଲ୍ ଆର୍ ତହସିଲ୍ଦାର୍ ମାନେ ସାମିଲ୍ ହେଇଛନ୍ ।

ସାଇବର୍ ସୁରକ୍ଷା ଅଭିଯାନ

କଟକ୍ ସମ୍ବାଦଦାତା

ରାଏଜେ ସାଇବର୍ ସୁରକ୍ଷା ବାର୍ଦ୍ଦେ ସାଧାରଣ୍ ଲୁକ୍କୁ ସଚେତନ୍ କର୍ବାର୍ ଲକ୍ଷ୍ୟଥି ଓଡ଼ିଶା ପୁଲିସ୍ ୧୨ ଟା ସାଇବର୍ ରଥ ରାଜ୍ୟସାରା ଭିନ୍ ଭିନ୍ ସହରାଂଚଲ୍ ଆଉ ଗାଁ ଇଲାକା ନ ବୁଲୁଛି । ଇ ରଥଥି ଲାଗିଥିବା ଏଲ୍ଇଡ଼ି ପେନେଲ୍ ଜରିଏ ଜନସାଧାରଣ୍ ଖାସ୍ କରି ଛାତ୍ରଛାତ୍ରୀମାନଙ୍କୁ ଆକର୍ଷିତ୍ କର୍ବାର୍ ସହେତେ ସାଇବର୍ ସୁରକ୍ଷା ଲାଗି ସଚେତନ୍ କରାଯାଉଛି । ଇହାଦେତକ୍ ଭିନ୍

ଭିନ୍ନ ଜିଲ୍ଲା ନ ହେଇଥିବା ରେଲି, ସେମିନାର୍, କର୍ମଶାଳା  
ଆଉ ସାଧାରଣ ସଭା ସହେତେ ବହୁତ୍ତେ ସଚେତନତା  
କାର୍ଯ୍ୟକ୍ରମ୍ ସାଧାରଣ ଲୁକେ ଭାଗ୍ ନେଇକରି ସାଇବର୍  
ସୁରକ୍ଷା ଦିଗେ ଗୁଟେ ସୁରକ୍ଷିତ୍ ପରିବେଶ୍ ବନାବାର୍ଥି  
ସାହାଜ୍ କରୁଛନ୍ । ଇନ ଜନେଇ ଦିଆଯାଇପାରେ ଯେ,  
ଗଲା ଅକ୍ଟୋବର୍ ୧୮ ତାରିଖ୍ ଦିନ ମୁଖ୍ୟମନ୍ତ୍ରୀ ମୋହନ୍  
ଚରଣ୍ ମାଝୀ ଭୁବନେଶ୍ୱର କଳିଙ୍ଗ୍ ଷ୍ଟାଡ଼ିୟମ୍ ନ ୧୬ ଟା  
ସାଇବର୍ ରଥ ସଙ୍ଗେ ଇ ଅଭିଯାନ୍କେ ଶୁଭାରମ୍ଭ  
କରିଥିଲେ ।

ପୁରୁବଲ୍ ଚୁଣ୍ଡାମୋଟ

ଆରବନ୍ଧୁ/ ସମ୍ବଲପୁର

ସମ୍ବଲପୁର ଜିଲ୍ଲା କାଇଁଶିର୍ ଖେଲପଡ଼ିଆ ନ ଦୁର୍ଗାଶଙ୍କର୍  
ପଟ୍ଟନାୟକ୍ ମେମୋରିଆଲ୍ ଉଚ୍ଚ ପ୍ରାଥମିକ ବିଦ୍ୟାଳୟ  
ପୁରୁବଲ୍ ଚୁଣ୍ଡାମୋଟ୍-୨୦୨୫ ଆବଜ୍ ଉଦ୍‌ଯାପିତ୍  
ହେଇଯାଇଛେ । ବର୍ଷିଆନ୍ କ୍ରୀଡ଼ା ସଂଘ ତରଫୁ ହେଇଥିବା  
ଚୁଣ୍ଡାମୋଟ୍ଥି ଜିଲ୍ଲାର୍ ୧୪ ଟା ବିଦ୍ୟାଳୟ ଭାଗ୍  
ନେଇଥିଲେ । ଇଥି ଜମାଦାର୍ପାଲି ଆଶ୍ରମ୍ ବିଦ୍ୟାଳୟ  
ଦିଲ୍ଲୀ ପବ୍ଲିକ୍ ସ୍କୁଲ୍କେ ୨-ଶ୍ରେନ୍ ଗୋଲ୍ଥି ହରେଇକରି  
ଚମ୍ପିଆନ୍ ହେଇଛେ ।

ପାଣିପାଗ

ଆରବନ୍ଧୁ/ ସମ୍ବଲପୁର

ପାଣିପାଗ୍ ବିଭାଗର ସୂଚନା ଅନୁସାରେ ରାଜ୍ୟର ଭିତ୍ତିଆ  
ପଣ୍ଠିମ ଆଉ ଦକ୍ଷିଣ ଇଲାକା ନ ଶୀତର ପ୍ରଭାବ୍ ଜାରି  
ରହେବା । ସୂଚନା ଅନୁସାରେ ଗଲା ୨ ଦିନ୍ ହେଲା  
ରାଜ୍ୟର ଭିନ୍ ଭିନ୍ ଜାଗା ନ ରାତିର ତାପମାତ୍ରା  
କମ୍ବାର୍ଥୁ ଲାଗିଛେ । ଗଲାକାଏଲ୍ ଦାରିଙ୍ଗବାଡ଼ି ନ  
ରାତିର ସବୁନ୍ କମ୍ ତାପମାତ୍ରା ୮ ଡିଗ୍ରୀ ସେଲ୍ସିଅସ୍  
ଥିଲା । ମଙ୍ଗଲ୍ବାର୍ତକ୍ ପାଗ୍ଥୁ ସାମାଏନ୍ ପରିବର୍ତ୍ତନ୍  
ଦେଖାଦେବା ଆଉ ରାତିର ତାପମାତ୍ରା ୨ ନୁ ୩ ଡିଗ୍ରୀତକ୍  
ବଡ଼୍ବା ବଲି ପାଣିପାଗ୍ ବିଭାଗ୍ ଅନୁମାନ୍ କରିଛେ ।